

UDRUŽENJE POSLODAVACA U FBIH

SARAJEVO

Z A P I S N I K

sa XXVII redovne sjednice UO Udruženja poslodavaca u FBIH, održane dana 07.05.2015. godine u 11:00 sati u „Centrotrans-eurolines“ u Sarajevu.

Sjednici su prisustvovali članovi U.O.; Safudin Čengić, Hamed Šivšić, Milenko Čolak, Ermin Čengić (umjesto Midhata Terzića), Željko Marjanović (umjesto Stipe Prlića), Adisa Karahodžić (umjesto Muharema Sejdića), Haris Muslić i Josip Milas.

Sjednici nisu prisustvovali članovi U.O.: Predrag Čović, Vejsil Huremović, Rasim Salčinović, Suad Ećo, Rusmir Hrvić, Šaban Rizvić i Ante Suton, koji su opravdali svoje odsustvo.

Ispred UP FBIH: Mladen Pandurević, Mersiha Jusić i Vesna Smajlović.

Predsjednik U.O. je pozdravio prisutne i predložio sljedeći:

D N E V N I R E D

1. Usvajanje zapisnika sa XXV i XXVI proširene sjednice U.O.;
2. Razmatranje amandmana UP FBIH na tekst Nacrta Zakona o radu FBiH;
3. Izbor pregovaračkog tima ispred UP FBiH za Zakon o radu FBiH;
4. Razmatranje amandmana UPFBiH na Prijedlog Zakon o privrednim društvima;
5. Razmatranje amandmana UPFBiH na Zakon o izmjenama i dopunama Zakona o registraciji poslovnih subjekata u FBiH;
6. Razmatranje Nacrta Zakona o sigurnosti i zdravlju na radu;
7. Razmatranje Opšteg kolektivnog ugovora o izmjenama i dopunama OKU;
8. Razmatranje Inicijative članice Hering za zaštitu domaćih proizvođača/dobavljača na projektima u BIH (osobito na izgradnji autoceste na koridoru 5 c);
9. Razmatranje Inicijative UDOFBiH za postavljanje pitanja ustavnosti presuda osnovnih i kantonalnih sudova u vezi primjene KU i za raskid važećih granskih kolektivnih ugovora;
10. Razmatranje Inicijative UDOFBiH za normativno uređivanje opštinskih taksi;
11. Razmatranje inicijative Grupacije prijevoznika FBiH za ukidanje Uredbe o povećanju cijena naknade za putarine u FBiH.
12. Tekuća pitanja

Predsjednik UO je upoznao prisutne da su za sve tačke dnevnog reda dobili materijale i zamolio prisutne da se izjasne da li prihvataju predloženi dnevni red.

Adnan Huremović, predstavnik BH Telekoma je pod tačkom tekuća pitanja kandidovao

a) Usmena informacija o sprječavanju nelegalno zaposjednute instalacije od strane kablovskih operatera.

ZAKLJUČAK: Dnevni red je uz dopunu gdina. Huremovića jednoglasno usvojen.

RASPRAVA PO TAČKAMA DNEVNOG REDA

Tačka 1. Razmatranje i usvajanje zapisnika sa 25. i 26. proširene sjednice UO

Predsjednik je napomenuo da su svi dobili zapisnike u materijalima i stavio zapisnike na glasanje te zamolio prisutne da daju svoje primjedbe.

ZAKLJUČAK: Zapisnici su jednoglasno usvojeni u predloženom obliku.

Tačka 2. Razmatranje amandmana UP FBiH na tekst Nacrta Zakona o radu FBiH;

Direktor UPFBiH gdn. Mladen Pandurević je upoznao prisutne sa prijedlogom teksta Amandmana UPFBiH na Zakon o radu u FBiH. Ova tema je veoma aktuelna u posljednjih nekoliko mjeseci. Obzirom da sindikat nije prihvatio izmjene vezano za član 182. koji se odnosi na trajanje kolektivnih ugovora Udruženje poslodavaca je obavijestilo socijalne partnere da se vraćaju na druge amandmane od kojih su bili odustali. UPFBiH imam 40 amandmana za koje su angažovali i eksperti iz oblasti radnog prava i koji su većinu amandmana ocijenili opravdanim. UPFBiH će odustati od amandmana za koje su eksperti rekli da nisu u skladu sa međunarodnim propisima koji su dio našeg pravnog sistema. Međutim UPFBiH sigurno neće odustati od amandmana za ograničenje trajanja kolektivnih ugovora. Također novina koju će UPFBiH tražiti ne samo kroz Zakon o radu već i kroz druge zakone je odgovornost nadležnih organa i ovlaštenih osoba za nadzor, primjenu i provođenje Zakona o radu.

Nakon uvodnih izlaganja predsjednik je otvorio diskusiju. Svi prisutni su učestvovali u diskusiji ističući da u potpunosti podržavaju prijedlog amandmana na Zakon o radu. Nakon diskusije donešen je sljedeći:

Zaključak: Zadužuje se stručna služba da svim članovima UPFBiH ponovno dostavi amandmane UPFBiH na Zakon o radu i ostavi rok do 15.05. 2015. godine da dostave dodatne primjedbe. Na bazi dostavljenih primjedbi će se pripremiti konačni tekst Amandmana UPFBiH na Zakon o radu a koji će biti predmet pregovora sa socijalnim partnerima za Zakon o radu.

Tačka 3. Izbor pregovaračkog tima ispred UP FBiH za Zakon o radu FBiH;

Vezano za ovu tačku dnevnog reda predsjednik je upoznao prisutne da je prijedlog da se pregovori o novom Nacrtu Zakona o radu vode u okviru Ekonomsko socijalnog vijeća te da je u tom smislu prijedlog da članovi pregovaračkog tima budu članove delegacije ESV-a. Prijedlog Odluke je da se za članove pregovaračkog tima imenuju: Safudin Čengić, Predsjedavajući delegacije ESV-a FBiH; Mladen Pandurević, član delegacije ESV-a; Mirsa Tuče, član delegacije ESV-a; Edin Ibrahimpašić, član delegacije ESV-a; Tomislav Slišković, član delegacije ESV-a; Selim Babić, član delegacije ESV-a i Predrag Čović, član delegacije ESV-a.

Nakon diskusije doneseni su:

Zaključci: Usvaja se prijedlog Odluke o imenovanju pregovaračkog tima za Zakon o radu FBiH. U pregovarački tim imenuju se Safudin Čengić, Predsjedavajući delegacije ESV-a FBiH; Mladen

Pandurević, član delegacije ESV-a; Mirsa Tuce, član delegacije ESV-a; Edin Ibrahimpašić, član delegacije ESV-a; Tomislav Slišković, član delegacije ESV-a; Selim Babić, član delegacije ESV-a i Predrag Čović, član delegacije ESV-a.

Daje se ovlaštenje članovima pregovaračkog tima da pregovara u okviru amandmana UPFBiH koji su usvojeni na sjednici sa primjedbama koje dostave članice do 15.05.2015. godine, ta da poptpišu Soprazum o rezultatima pregovora sa socijalnim partnerima.

Tačka 4. Razmatranje amandmana UPFBiH na Prijedlog Zakon o privrednim društvima;

Vezano za ovu tačku dnevnog reda gđin. Pandurević je izvjestio prisutne da je za ovaj Zakon angažovan ekspert iz ove oblasti koji je pripremio amandmane.

Nakon uvodnog izlaganja gđina. Pandurevića Predsjednik je otvorio raspravu. U raspravi su učestvovali gđin. Tomislav Slišković, bakir Čelosmanović, Željko Marjanović, Nedim Čehajić, Edin Ibrahimpašić.

Nakon rasprave donesen je sljedeći:

Zaključak: Zadužuje se stručna služba da svim članicama UPFBiH ponovno dostavi Amandmane sa molbom da daju svoje primjedbe na amandmane. Rok za dostavu primjedbi je 15.05.2015. godine. Konačan tekst Amandmana na Zakon o privrednim društvima sa ugrađenim primjedbama delegacija UPFBiH će prezentirati Ministru energetike, rudarstva I industrije gđinu. Bajroviću.

Tačka 5. Razmatranje amandmana UPFBiH na Zakon o izmjenama i dopunama Zakona o registraciji poslovnih subjekata u FBiH;

Vezano za ovu tačku dnevnog reda gđin. Pandurević je izvjestio prisutne da je za ovaj Zakon angažovan ekspert iz ove oblasti koji je pripremio amandmane.

Nakon uvodnog izlaganja gđina. Pandurevića predsjednik je otvorio raspravu. U raspravi su učestvovali svi prisutni

Nakon rasprave donesen je sljedeći:

Zaključak: Zadužuje se stručna služba da svim članicama UPFBiH ponovno dostavi Amandmane sa molbom da daju svoje primjedbe na amandmane. Rok za dostavu primjedbi je 15.05.2015. godine. Nakon dostavljenih primjedbi stručna služba će pripremiti konačan tekst Amandmana na Zakon o registraciji poslovnih subjekata.

Tačka 6. Razmatranje Nacrta Zakona o sigurnosti i zdravlju na radu;

Vezano za ovu tačku dnevnog reda gđin. Pandurević je izvjestio prisutne da je za ovaj Zakon o sigurnosti I zdravlju na radu također u proceduri te da predstavnici UPFBiH su održali nekoliko sastanaka sa Sindikatom I Vladom na kojima su razgovarali o ovom Zakonu. Zamolio je sve prisutne obzirom da su u materijalima dobili Nacrt Zakona o sigurnosti i zdravlju na radu Nakon uvodnog izlaganja gđina. Pandurevića predsjednik je otvorio raspravu. U

raspravi su učestvovali svi prisutni

Nakon rasprave donesen je sljedeći:

Zaključak: Zadužuje se stručna služba da svim članicama UPFBiH ponovno dostavi Zakon o sigurnosti i zdravlju na radu. Rok za dostavu primjedbi je 15.05.2015. godine. Nakon dostavljenih primjedbi stručna služba će pripremiti Amandmane na Nacrt Zakona o sigurnosti i zdravlju na radu koji će biti predmet prgovora pregovaračkih timova.

Tačka 7. Razmatranje Opšteg kolektivnog ugovora o izmjenama i dopunama OKU;

Vezano za ovu tačku dnevnog reda svi prisutni su učestvovali u raspravi i zaključili da se treba pokrenuti inicijativa za raskid Općeg kolektivnog ugovora ali tek nakon donošenja Zakona o radu.

Zaključak: UO je zaključio da je neophodno da se pokrene inicijativa za stavljanje van snage OKU. Potrebno je donijeti novi Kolektivni ugovor koji će biti fleksibilan i čije će se vremensko trajanje ograničiti: također novi Kolektivni ugovor treba biti u skladu sa trenutnom ekonomskom situacijom. Kolektivni ugovor treba donijeti poslije donošenja Zakona o radu.

Tačka 8. Razmatranje Inicijative članice Hering za zaštitu domaćih proizvođača/dobavljača na projektima u BiH (osobito na izgradnji autoceste na koridoru 5 c);

Gdin. Ladislav Bevanda je ukratko upoznao prisutne sa inicijativom Hering, Široki Brijeg. Naime, mnoge domaće firme koje se na velikim projektima pojavljuju kao drugi partner ili podizvođač imaju problema sa naplatom potraživanja. Cilj ove inicijative je da se zahtjeva da Vlada reagira, te donose Zaključak ili neki drugi akt kojim će obavezati Ministarstva i preko njih direktno imlementatore projekata (uglavnom Javna preduzeća) da osiguraju izvjesnu naplatu potraživanja domaćih proizvođača, dobavljača, a posebno po okončanju projekata koje izvode strane firme u BiH.

Zaključak: UO je donio zaključak da se podrži inicijativa Heringa obzirom da nije u pitanju lični interes već da je to u interesu svih članica iz oblasti građevinarstva. UO je zaključio da se inicijativa uputi prema nadležnim institucijama te da se organizuje sastanak sa Premijerom na kojem će se od Premijera zahtjevati da hitno poduzme mjere u cilju zaštite domaće proizvodnje. Također UPFBiH će insistirati da u Program rada Vlade uđe mjera „ zaštita domaće proizvodnje“.

Tačka 9. Razmatranje Inicijative UDOFBiH za postavljanje pitanja ustavnosti presuda osnovnih i kantonalnih sudova u vezi primjene KU i za raskid važećih granskih kolektivnih ugovora;

Vezano za ovu tačku dnevnog reda predstavnici UDOF-a su istakli da traže od UPFBiH da ovlaštenom predlagачu uputi inicijativu za ocjenu ustavnosti Kolektivnih ugovora. Obzirom da je nova Vlada izrazila spremnost i pokazala želju da radi na kreiranju uslova za bolje poslovno okruženje stav svih prisutnih članova jhej da se ova inicijativa pokrene odmah.

Nakon diskusije u kojoj su učestvovali svi prisutni donešen je:

ZAKLJUČAK: UO jednoglasno podržava inicijativu. Zadužuje se Udruženje društava za osiguranje da pripremi inicijativu koju će UPFBiH nakon što mu bude inicijativa dostavljena uputiti ovlaštenom predlagачu.

Tačka 10. Razmatranje Inicijative UDOFBIH za normativno uređivanje opštinskih taksi;

Vežano za ovu tačku dnevnog reda gđin. Ostoja Todorović je ukratko upoznao prisutne sa ovom inicijativom.

Nakon diskusije u kojoj su učestvovali svi prisutni donesen je:

Zaključak: UO je predložio da se imenuje stručni tim za izradu Kriterija za usklađivanje opštinskih taksi. Prijedlog je da se u tim imenuju gđin. Edhem Pašukan i Bakir Čelosmanović koji će pripremiti inicijativu uz obrazloženje, obzirom da je ovaj problem najviše zastupljen u kompanijama čiji su oni predstavnici. Također dogovoreno je da će UDOFBIH dostaviti ime osobe ispred Udruženje koja će učestvovati u ovom timu.

Također donesena je Odluka o formiranju pravnog i ekonomskog Savjeta. Ovi pravni savjeti će imati obavezu da pripremaju inicijative koje će biti upućivane ovlaštenim institucijama.

Tačka 11. Razmatranje inicijative Grupacije prijevoznika FBiH za ukidanje Uredbe o povećanju cijena naknade za putarine u FBiH.

Vežano za ovu tačku dnevnog reda gđin. Čengić je istakao da se od Vlade traži stavljanje van snage Uredbe o povećanju cijena naknade putarine u FBiH. Donešena Uredba je novi parafiskalni namet ne samo na prijevoznike već na sve poslodavce koje imaju u vlasništvu motorna vozila. Naime, poslodavci koji posjeduju motorna vozila, koja redovno registruju prinuđeni su izdvajati znatno viša finansijska sredstva u odnosu na dosadašnja.

Detaljnou analizou Uredbe ustanovili smo da Uredba najviše opterećuje prijevoznike putnika, te da je najviše povećanje na autobusima (cca 180 KM po registrovanom autobusu) a kad na godišnjem nivou uzmemo u obzir sva teretna vozila i autobuse koja se registruju u FBiH dolazi se do cifre cca 2.500.000 KM. Naime, prije donošenja Uredbe iznos naknade za autobuse je bila 6,00 KM po jednom sjedištu i 3,00 KM po jednom mjestu stajanja. Po novom tarifniku iznos naknade se obračunava po najvećoj dopuštenoj masi, što je na godišnjem nivou enormno povećalo troškove prijevoznika.

Obzirom na brojna opterećenja poslodavca i trenutnu veoma lošu ekonomsku situaciju, mišljenja smo da ovaj dodatni namet uzrokuje velike finansijske poteškoće i dodatno opterećuje poslovanje.

Shodno navedenom, a imajući u vidu da je nova Vlada sa premijerom Fadilom Novalićem na čelu na sastanku sa poslodavcima obećala smanjenje parafiskalnih nameta nakon diskusije donesen je sljedeći:

Zaključak: UO podržava Inicijativu Grupacije poslodavaca iz oblasti drumskog saobraćaja. Zadužuje se stručna služba da pripremi inicijativu i uputi nadležnom Ministarstvu.

Tačka 12. Tekuća pitanja

Po tekućim pitanjima se raspravljalo o:

a) Informaciji BH Telecoma o nelegalno zaposjednutim instalacijama od strane kablovskih operatera.

Gdin Adnan Huremović je upoznao prisutne sa problemom sa kojim se privrednici stavljaju u neravnopravan položaj. Naime, mnogi kablovski operateri nelegalno postavljaju svoje instalacije na stubove koji su u vlasništvu "JP Elektroprivrede". Na ovaj način operateri koji moraju da sami obezbjeđuju instalacije (Što košta veoma mnogo) stavljaju se u neravnopravan položaj.

Nakon diskusije UO je donio:

Zaključak: Zadužuje se BH Telecom da nam u pisanoj formi dostavi prijedlog inicijative na osnovu koje će UPFBiH zatražiti od nadležnih institucija da sve kompanije iz ove djelatnosti imaju jednakopravan položaj u tržišnoj utakmici.

Sjednica je završila u 13: 30 časova.

Zapisnik sačinila

Mersiha Jusić

Predsjednik UO

Safudin Čengić